



The Beer That  
Made Milwaukee Famous



Diario



pa Aruba



OPTIEK  
Oranjestad  
San Nicolas



ANJA 23

DAVIERNE 4 MEI 1962

No. 4328



## Proposicion Peronista pa welga di 24 ora

BUENOS AIRES, 4 mei. — E secretario general Argentino di obrero mayan lo studia un proposicion peronista pa welga 24 ora entre otro como protesta contra aumento di e gastunan di mantencion di bida.

E lideran peronista anteriormente a bandona un plan pa un welga politico pa motibu di falta di apoyo di e federacionnan independiente, pero

## ASTRONAUTANAN A TOPA CU OTRO

WASHINGTON, 4 mei. — Na Washington tabatin ajera un encuentro historico entre e astronauta mericano John Glenn y su colega ruso Cherman Titov. Nan a topa den e edificio di e academia pa ciencia unda tin actualmente un congreso di asuntunan tocante bulamento den espacio.

Mientras cu e dos astronautanan tabata duna otro man, Glenn a bisa "Hello" y Titov a contesta "un placer di conoce bo".

Pero pronto nan tabata yama otro John y Cherman.

Despues Glenn y Titov a wordo ricibi door di president Kennedy na Casa Blanca. E president a bisa cu e ta contentu di por a ricibi e dos astronautanan. Door di intervencion di un interprete el a laga Titov sa, cu e ta bon bini na Merca. Tambe tabata presente e embahador sovietico Bobrinin.

## REGRESO DI MACMILLAN

LONDEN, 4 mei. — E premier britanico Harold MacMillan, cu a haci un bishita di ocho dia na Norte America, na unda el a delibera cu president Kennedy y e premier canadiense Diefenbaker a regresa ajera cu avion na London. El a declara na su yegada na periodistanan: "tabata basta druk, pero e viahe tabata masha placentero, y mi kier meen tambe cu esey cu e viahe tabata masha util."

## FATUM—Tel.: 1845 pa tur bo aseguranan

## ACUERDO ENTRE CHINA Y PAKISTAN

KARATSJI, 4 mei. — China y Pakistan a yega na un convenio pa stipula nan frontera comun door di negociacionnan y firma un acuerdo provisional, den espera di un arreglo di e conflicto di Pakistan cu India tocante Kasjmier.

Despues di arreglo di e conflicto nan lo reanuda e negociacionnan tocante un acuerdo oficial pa reemplaza e acuerdo provisional.

India a protesta fuertemente contra negociacionnan entre China y Pakistan tocante e frontera di Kasjmier pasobra e ta di opinion, cu henter Kasjmier ta forma parti di India.



DJAMILA TA LIBER — E mucha muher algerino di 22 anja di edad cu a ser arresta riba sospecho cu t'e por tabata autora dje bom cu a ser tira den un restaurant y for dje dia ei a ser arresta na Francia a hanja su libertad na Rennes. Djamilia, kende a ser maltrata despues di su arrestacion a queda hopi tem den clinica dje prison, pa recupera despues di tanto maltrato.

Ultimamente durante un bishita di trabao riba un diazon na Dordrecht

Prins Bernhard a bai haci un bishita na Ondermeer, tabata un excursion na un fabrica di chuculati y huscuchi. Mesos cu tur otro invitadonan Prins Bernhard tabatin un bachi blanco cu un pechi bisti. E prins a hanja pa e princesaan cuater webu di Pascu masha grandi mes. Cada un di nan tabata pisa 15 kilo. Ta pa mi yiu muhanan en realidad e webunan aqul ta? e prins lo a puntra.

## REGRESO DI MACMILLAN

LONDEN, 4 mei. — E premier britanico Harold MacMillan, cu a haci un bishita di ocho dia na Norte America, na unda el a delibera cu president Kennedy y e premier canadiense Diefenbaker a regresa ajera cu avion na London. El a declara na su yegada na periodistanan: "tabata basta druk, pero e viahe tabata masha placentero, y mi kier meen tambe cu esey cu e viahe tabata masha util."

## „E anochi di 16 di Januari” un bez mas na Aruba

ORANJESTAD, 4 mei. — Debi na e grandioso exito di Mascara dia 24 y 28 di april cu e potente comedia „E ANOCHI DI 16 DI JANUARI” y riba peticion di hopi bende cu no a mira e comedia aki ainda, MASCARUBA a dicidi di hunga e comedia ake un bez mas. E di tres y ultimo presentacion lo tuma luga awe noch, 8:15 na Centro Cultural.

Kaarchi ta di venta na e adresnan conozi y cerea miembronan di Mascara.

Nos ta spera cu hopi bende cu ainda no a mira e comedia aki, probecha di e ultimo oportunidad aki pa mira e ultimo presentacion di „E ANOCHI DI 16 DI JANUARI”.

Manera tur hende sa caba, dos hialha Guillermo Vieira (Srta. Christina de Freitas) ahata no culpable v un hez e Jurado a haye culpable. Ta kiko e siguiente Jurado lo dicidi?

# Atlantic Gulf ta bai coba Haf di Oranjestad tambe

## Startbaan nobo di vliegveld ta cla medio 1963

ORANJESTAD — Durante di un rueda di prensa ayer tardi na oficina di Dienst Openbare Werken ir. J. Volkers, hoofdinspecteur-directeur di Rijkswaterstaat na Hulanda y desde November 1960 consehero especial di territorio insular di Aruba den asuntunan partuaro, a informa cu pa mas tarda aki un siman e trabaoonan di dragamentu na Barcadera lo keda completa pa en draga „Barlaw” di Atlantic Gulf & Pacific Company.

El a informa tambe cu en principio Bes uurscollege a die di na duan e trabaoonan di dragamentu den haaf di Oranjestad tambe na e mesun compania aki. Conversacionnan entre srs. Volkers y N. Schuit, hefe di D.O.W. cu representantenan di A.G. & P.C. a muestra cu e compania aki tabata dispuesto na haci e trabao den haaf di Oranjestad na un prijs masha abao.

Durante di e conferencia di ayera tardi, na eual tabata presente tambe diputado O.S. Henriquez y ir. F.A. Neleman di e departamento di tereno na „Rijkswaterstaat” na Hulanda, kende ta coopta Bestuurscollege di Aruba na e trabaoonan pa expansion di aeropuerto, ir. Volkers a splica e decision pa duna permiso na Atlantic Gulf pa haci e trabaoonan den haaf di Oranjestad tambe. El a recorda con e compania di draga Mericano tempo cu nan a tene e desbio publico pa e trabaoonan na Barcadera a inserbi pa e suma di mas abao, algo cu a socode door cu e

compania tabatin un draga den cerancia, cu ademas tabata masha fuerte, asina fuerte, cu nan a kere di por completa e trabao sin haci uso di explosivonan. Cu esey nan tabatin exito tambe, aunk cu e trabao den e haaf industrial a dura un luna mas largo cu expertonan di Atlantic Gulf a pensa en principio.

Tempo cu nan a cuminsa coba na cumzamento di anja, nan a calcula pues cu e trabao lo dura tres luna. Ir. Volkers a splica con cu a base di e prijs cu Atlantic Gulf a duna pa e trabao na e haaf industrial na Barcadera el a haci despues un calculacion di e prijs cu e compania aki lo por pidi pa e trabao den haaf di Oranjestad, na unda solamente 650.000 metro cubico di santu lo tin cu ser coba (na Barcadera 1 1/2 millon metro cubico).

El a informa, cu e prijs cu Atlantic Gulf a pidi pa e haaf di Oranjestad en berdad tabata hopi cerea di su propio calculacion y pues atrobe por ser jama masha favorable. Hasta a bira posibel door di esaki pa trahao di dragamentu lo wordo haci, cu tabatin planea na principio, tog ainda a keda bato di e begroting original, cual e tempo aya a ser trahado door di D.O.W. pa e trabao den e haaf aki.

## Mas rapido cu „Europoort”

Ir. Volkers, kende a regresa awe atrobe pa Hulanda pa aya dediehe na su tarea pa construcion di e boca nobo di e „Europoort”, a splica cu ora cu algun dia pasa el a regresa Aruba despues di un ausencia di un luna, e tabata masha sorprendi riba e prosperidad cu eual nan ta haciendo e trabao na Barcadera. „Mientras cu ainda nan ta trahando riba construcion di e haaf, ya caba e ta brianan ta lamta. Aki ta paree „Europoort” mes. Solamente cu na mi opinion aki nan ta traha ainda mas liher”. E conecion cu e trabao den haaf di Oranjestad el a informa cu, desviando di e plannan original, nan a die di awor pa haci e boca di parba mas hancha door di rabaonan extra di dragamentu. Ta berdad cu door di esaki e boca di haaf ta bira mas hancha na parti aki, pero como cu expertonan nau-

tico a sigur, cu e mureo nunca ta corre den direccion di e santu parti pariba di haaf, e no ta kere den e caso aki, cu door di hanchamento di e salida e awa den haaf lo bira mas bruto.

Precisamente door di e hanchamento extra aki e haaf di Oranjestad, despues cu e trabao aya cu por cuminsa door di un siman, ta cla — y nan ta kere cu esey lo ta kuestion di dos luna — lo bira mas facil pa e bapornan grandi di turista nabega.

Ademas sr. Volkers a sigur cu e trafico maritimo den haaf lo no hania estorbo durante e dragamento door di „Barlaw”, como cu nan a bini di acuerdo cu Atlantic Gulf, cu „Barlaw” lo mester kita si e movimiento di bapornan grandi ta existi esaki. Segun opinion di e experto Hulandes, Oranjestad lo bira un haaf 100% excelente.

## E aeropuerto

Ir. Neleman despues a splica e prome trabaoonan necesario pa mehora eien di aeropuerto. El a informa con un estudio profundo a muestra su propio calculacion y pues atrobe den direccion di e lagoen a forma e soluecion di mas barata. Pa haci aeropuerto Prinses Beatrix adecuado pa ricibi avionnan jet for di New York v otro ciudadnan Mericano, e pista lo ser extendi algun cien metros den direccion di e lagoen, te ora e tin un largura di 2700 metros. E pista di Corsew tin un largura di 3.400 metros, pero esey ta calcula pa ricibi avionnan for di Europa. Na Aruba e necesidad pa esey no ta existi, asina cu aki anto e 2700 metros mes ta basta.

Por lo pronto e pista lo lo wordo extendi v haci adecuado pa avionnan jet. Pa e motibo ey nan tin cu basha un cantidad di santu den lagoen. Nan lo hania e santu aki for di unda nan caba na e salida di pariba di haaf v ademas door di eoha santu for di e rif cu ta keda enfrente di e aeropuerto. Como cu na e lugar na unda e pista tin cu

binj sin embargo ta un plas di todo seis metros diki den e lagoen, na lo tin cu kita esaki prome.

Cemo cu „Barlaw” no ta adecuado pa trabaoonan den awa sero, ta intencion di Bes uurscollege cu ta e „Koninklijke Nederlandse Maatschappij voor Haverwensen” na Cossow pa bira haci e trabao di cobamentu aki.

Despues cu e lodo a ser kita v cu e santu necesario pa e extension a ser basha nan lo por cuminsa e tempo ey lo ta na fin di oktober 1962 — cu asfalt e pista.

Henter e pista lo henter e ora cu un capa di asfalt di 8 cm diki. Pa e trabao aki tin mester di lodo na e ta jama „asphalt m” y e lodo na e Aruba no tin un instalacion pa e clase di asfalt aki, nan ta deliberando actualmente cu Lagoa Reciente di e problema aki, cu mester ser soluecion pa oktober. E pista hentera e nobo e ora ey por ta cla pa medio 1963. Pues ainda net prome cu e temporada nobo di turismo ta pa e anja ey.

Pues avionnan jet for di New York por baha anto na Aruba. E edificio nobo di aeropuerto cu lo ser traha na e otro banda di e aeropuerto, e ora ey ainda no ta cla, pero pa un tempo corto nan por haci uso ainda di e edificio di aeropuerto actual.

Durante di e rabanan na e fortificacion di e pista actual cu e capa di 8 cm diki, e trafico aereo lo no hania trabao. Medidanan tocante esey lo ser tuma. Entre mas nan per luga esaki door di traha achi.

E luga caminda principal entry e rotonde na Oranjestad v e entrada actual na e edificio di aeropuerto ta ser poni for di uso, ora cu e pista keda extendi.

Ir. Neleman lo laga Aruba diasabra el dierdomingo vendidero cu destino pa Hulanda.

## YAMAMENTU PA WELGA NA PARIS

PARIS, 4 mei. — E federacionnan comunista socialista y catolico na Paris ayera a haci un yamamentu na e personal terrestre di e aeropuerto Parisiense „Orly” pa awe nan welga algun ora, pa exigencianan di aumento di salario, un siman di trabao di cuarenta ora un plaza di verlof di 600 franc nobo.



VAPOR DI BANANA AVERIA — E portret aqui ta muestra cla e buracu grandi cu a ser ocasiona pa via dje colision den lado di bakboord dje romp. Despues di baha e carganan lo lastra e vapor hiba na un of otro werf.

# Gran encendio na Ciudad di Guatemala

GUATEMALA, 4 mei. — Un parti di tanke di petroleo di Standard Oil y tur e instalacionnan trapaogas di Tropical Gas Company cerca di Ciudad de Guatemala, a keda bon, apesar dje noticianan alarmante. Manera a anuncia, tabatin candela den e tanki di mas grandi, cu segun e direccion, ta causa di balanan for di un mitaladora.

Nan a trata cu exito pa limita e candela, door cu e biento a cambia di direccion. Mas di mi ar dje provision di smeerolie den e barilnan ta bon warda y nan no a hanja danjo.

E gobierno a anuncia cu polis a detene un persona e relacion cu e candela. Tur e personanan den vecindario dje instalacion, cu mester a sali for di nan cas, tabatin mag di regresa despues.

A.F.P. a anuncia cu e minister

Guatemalteco di informacion. Alberto Arriola y e hosoero di Standard Oil, den e capital di Guatemala a segura cu e candela ta causi door di sahotahe. Nan a tira for di disanca largu cu municion di licht spoor rba e tankinan di combustibile.

20 Persona a hanja kemaduran serio. Entre nan tin tres hombero. Tur e brigadanan di brandspuit di Ciudad de Guatemala a sali pa caminda dje incendio.

E vlamman tabata cientos di me-

ter altu di laira. Nan ta calcula e danjo dje incendio riba 1.875.000 florin.

E tankinan di combustibile di „Standard Oil” na berde dje ciudad di Guatemala a pega ayera candela.

E tanki principal, cu ta contene un millon liter di benzene, a pega candela prome. Algun ora despues e otro a sigui. Nan ta pone como causa e chispanan di un aparato.

Senen e directr di Standard Oil e candela dje pistolnan automatico di sabotadornan a causa e candela. „Nan no a duna n'gun anuncio di morto. Pero si mas di 30 hombero mester a hanta tratamentu di dokter pa quemadura.

E candela a extendi su mes te na e instalacionnan di propangas. Cu e fin pa evita explosionnan nan a hahri na e instalacionnan aki tur e kraanchinan.





# SITUACION POLITICA A QUEDA MES PRECARIA NA ARGELIA

ARGEL, 4 mei. — Segun portavoz nan oficial na Oran, miembronan di e chereito Argelino di revolucionarios a mata nueve Marokano, entre cual cuater yiu y dos muhe na un rancho den cercania di Sidi Bel Abbas, pasobra nan a nunga di sigui un orden di evacuacion di e frontera Argelino di liberacion.

Na Sidi Bel Abbas net cuater Argelino a muri despues cu nan a cende nan cas na candela.

Na Saida, na sur oost di Oran, nan a mata un Argelino y herida siete durante un bringamentu cu miembronan di e legion di estranheronan.

Na Blida, den parti oost di e pais, un ta grave.

Na Blida, den parti oost di e pais, nan a mata un Argelino y herida mesun cantidad door di tiramentu di un comando di e organizacion di chereito secreto. Despues di e tiroteo aki Argelinsonan rabia a maltrata un Europeo.

Na Oran, tres explosion basta duru, a destrui e localnan di oficina di e boofdpreket nobo. Rene Thomas, boofd avara tabata pa cuminsa cu su trabao. Despues di e di dos explosion por a tende tirunad di scopel door di cual un polis a resulta herida.

Ayera mainta tempran tabatin un doble explosion den e edificio na Argel, den cual e „Maatschappelijk Hulpbeton“ ta. E explosion y e candela cu a sigui e explosion a destrui tres piso di edificio. Miembronan arma di chereito secreto a checu avara mainta dos atake riba postkantoor na Argel, caminda nan a horta en totl mas di 21.000 florin.

Esaki solamente ta algun incidente di cual nan a anuncia na Argel. Den puerto di Argel nan no ta traha for di e atenado di ayera cu a costa

bida di 62 Argelino, y mas di 110 a keda herida.

## E cantidad di morto na Argelia

Ta ainda ta conoci cu den henter Argelia a muri na crueldadnan mas di 110 persona entre cual tin 104 Argelino y 147 entre cual tin 144 Argelino ta herida.

Solamente den e ciudad di Argel mas di 98 persona a perde nan bida entre cual tin 92 Argelino, y 140 a keda herida entre e heridonan tin 138 Argelino. E cantidad di victimanan di un atake cu arma di candela den e ciudad Saint Eugene te ainda no ta conoci.

## Argelinsonan pa nan pais.

Circulonnan Argelino a bisa ayera, cu for di 12 di mei mas di 300.000 refugiado Argelino lo regresa na nan pais for di Marokko y Tunisia. E equipo di doctoe di Cruz Roja internacional y e militar luna cora lo yega mayan na Noord Africa pa conduci e repatriacion, cu probablemente lo dura mas di dos luna, bao di nan direccion.

Te ainda for di e cumintamentu di guerra Argelino na november di aña 1954 a muri tantu hende riba un d'a na crueldadnan teroris. Banda di mei anochi nan tabata tende tiramentu na Argel.

Di banda oficial nan a tende, cu aera noch a drena reforza nan militar den e ciudad.

Despues nan a tende cu tambe dep orman tempran di mainta di awe a yega reforza di trunanan na Argel.

E prohibicion di salida na Argel ta mas den vigor. E autoridnan a indica esaki como e prome medida.

## Robo di banco na Argel

Seis Europeo mascara y arma cu pistol automatico a ataca ayera un postkantoor den oreste di Argel y a horta un millon 700.000 frank bieuw.

Esaki ta e di dos asalto riba un d'a. E prome asalto tabata tambe riba un postkantoor, den e barrio El Biar, caminda nan a horta 60.000 frank.

Te ayera tardi laat a muri na Argel seis Argelino door di asaltan di bom y siete a resulta herida. Despues di e explosion di ayera di un auto carga cu explosivo dilanti di e oficina unda nan ta scribi trahadornan di haaf y cu a costa bida di un gran cantidad di persona.

Ayera nungun trahador di haaf a presenta na trabao. Tin siete bapor den raaf y trabao bordo di nan ta paralisado.

Ayera noch e altu funcionario Frances na Argelia a tene un discurso na radio y Television di Argel. E locutor di television a participa prome cu e transmision, cu pa motibonan tecnico e imagen di Fouchet no por sali riba pantalla.

Fouchet a anima e poblacion Frances pa ayera dicide na eligi tranquilidad y orden na Argel.

Na e ambienan civil e altu comisario a duna e aviso cu nan por worde retira e expulsa pa Francia si nan no a tene nan mes estrictamente, na e stipulacionnan di nan contract di trabao cu estado.

Algun minuut despues di e discurso di Fouchet por a tende na diferente aparatonan di television na Argel un transmision clandestina di e organizacion di chereito secreto.

## DECLARACION DI GAVIN

WASHINGTON, 4 mei. — E embahador mericano na Francia, James Gavin, tabatin ayera un entrevista di un ora cu president Kennedy, y despues el a bisa, cu te ainda Francia no a pidi Merca pa informacionnan riba territorio tecnico nuclear y tampoco el a trata di hanja tal informacion.

## DECLARACION DI

TORONTO, 3 mei. — Premier Mac Millan a declara ayera na un reunion na Toronto, cu e paisnan di e Comunidad Economico Europeo tin mesun responsabilidad cu Inglatera na e decision tocante e pregunta si e interesnan di cooperacion europeo y esnan di Mancomunidad por bai hunto. Si e paisnan di e comunidad economico europeo kier nos afiliacion nan mester haie facil pa nos, asina el a agrega. Pero el a puntra sin embargo pa ayudo y comprension di e canadiensenan pa e deliberacionnan di e gobierno britanico cu e comunidad Economico Europeo.

Marazon a desenfrena den tur su ri-  
osidad e torneo di schak den  
"Chess-room" di Hotel Curacao Intercon-  
tental na Corsow. Riba e portret aki  
nos ta mira lucha di sluttinan pa mira  
qual ta sali vencedor. Na izquierda nos  
ta mira Petruslan (su buch) enfrente  
di Tat. Ta reina masha entusiasmo pa  
wega aki.

## TENSION ENTRE REPUBLICA DOMINICANA Y GUATEMALA

SANTO DOMINGO, 4 mei. — E relacionnan entre e Republica Dominicana y Guatemala a bira ayera peor door cu e gobierno di Republica Dominicana a ordena su representante na Guatemala di regresa inmediatamente cu su familia pa su pais. Estudiantenan a demostra ayera pa di tres dia tras di otro na Santo Domingo dilanti di e embahada guatemalteco y a exigui pa saca e embahador Gereda Asturias. E estudiantenan a protesta contra cu e president di Guatemala Ydigoras Fuentes, a rechaza un keho di estudiantenan dominicano tocante oprision na Guatemala.

## Ministernan europeo ta fuma medidanan contra politica mericano di navegacion

LONDEN, 4 mei. — E ministernan y e representanten ministerial di 10 pais europeo di navegacion a reuni na London pa conferencia tocante e posibilidad ta tuma hunto medidanan contra intentonan di Merca pa eherce control di un solo banda riba e navegacion internacional.

E reciente amandamentonan riba e ley mericano di navegacion a duna e comision maritimo federal e autorizacion di haci un investigation pa e tarification di carga y otro documentonan di compania, cu ta trece e carga den e pueronan mericano.

E reunion ta un renobacion di contactonan cu a worde realiza prome na Paris y despues na London.

E interesnan di navegacion europeo a pid tambe pa un „ship American“, campanja nobo, y e stipulacion di 50 porocento di e carga mericano, cu ta haci part di e ayudo na e paisnan menos desarolla, cu e bapornan mericano mester transporta.

## DESGRACIA DI TREIN NA HAPON

TOKIO, 4 mei. — Un dalmentu di trein trine na Tokio na unda un trein di mercancías y dos trein di pasahero a dal den otro, a muri segun e prome noticianan 40 persona y mas di 130 ta herida.

E trein di mercancías cu tabata corre riba un puente riba un rio a dal den e trein di pasahero cu tabata lora un birada. E tres delaster wagonnan di e trein di pasahero a sali for di rail loke a causa un dalmentu cu un otro trein di pasahero.

Despues nan a anuncia oficialmente, cu por lo menos 83 persona a muri y cu tin 165 herido.

Segun un noticia di e agencia ingles di noticia Reuter dos trein di pasahero yen di hendenan cu tabata cu vacation a dal den un trein di transport cu a sali for di riel. Un di e treinnan di pasahero a sali for di riel e ora ey y a dal den e cas pega cu e caminda ferroviaria.

Polis a participa, cu e trein di carga pa error a worde dirigi riba un riel robes. E trein a sali for di riel y a bini dwars riba un riel principal pa treinan di pasahero.

Segun euerpo di homber na Tokio e desgracia di trein a costa bida di 119 persona. Nana bisa cu e cantidad di heridonan ta 128.

# YARI

## pa bo exito

**Avise den ARUBAANSE COURANT y compara e resultado !!**


## Di un simpel bombillo



te na instalacionnan electrico di mas complica, nos ta haci eficiente, rapido y na prijsnan razonable. Pa cualkier informacion sin ningun obligacion acudi na:

**GEBR. VAN SWAAY**

Fergusonstr. 41 - Dakota - Tel. 1878



Pa ornamento di heru pa interior, of exterior, ta un adres so tin!  
**Nahor Steel Construction**  
Dakota - Tel. 1834

## PA COMESTIBLE FRESCO, BARATA Y DI CALIDAD BO TIENDA TA

**H. S. CROES STORE**

Macarima - Santa Cruz

Tel. 1008

Tur cos pa Promer Santa Comun FLUS carson cortico y carson largo Camisa, dashi etc. Tur di bon calidad y prijs atractivo.



**LA LINDA**

## Continuamente nos ta ricibi mercancía nobo!

A casa di yega e.o.:

- Konopi di glas pa slot di porta
- Cadena y banchi pa cachu.
- Clabo pa concret.
- Bankschroef (vise) den diferente tipo y tamanjo.
- Sker pa corta mala, etc., etc.

**ARUBA HARDWARE C.V.**

(BRENCHI)

Nos ta drecha cualkier COLCHON leguele mesos cu nobo.

**HNOS. TROMP**  
UPHOLSTERY SHOP  
TEL. 2287 - Playo

## TA SOLICITA PA HUUR

**Un cas muebla**

den Oranjestad of cercania

Jama tel. 1276.

## Heer zoekt voor direct

**PENSION**

Brieven onder letter „A“ te richten

aan het Bureau van dit blad,

Nassastraat 85, Oranjestad.

## TEATER DE VEER

ta presenta pa 8.30 p.m.

diasabra 5, diadomingo 6,

y dialuna 7

**DEN CINEMASCOPE**

**Y COLOR!**

**„North-West Frontier“**

**LA MÀS VIBRANTE**

**ESPECTACULAR**

**PELICULA**

**DE**

**ACCION,**

**HEROISMO**

**Y AVENTURA**

**KENNETH MORE**

**LAUREN BACALL**

**HERBERT LOM**

**KALAPUR**

(NORTH WEST FRONTIER)

**WILFRED HYDE WHITE**

**I. S. JOHAR**

**UNA PELICULA EN CINEMASCOPE EASTMAN COLOR**

Quien: ROBIN ELLIOTT


Produccion: MARCEL BELLAIR

Dirigido: J. LEE THOMPSON

1.75 Adm. 18 anja pa „riha“ 1.25

## E SPIEL MES TA BISA BO ESEI CABA BO TA SINTI BO FELIZ CU formfit

Muhanan cu ta bai segun moda sabi quico ta base pa un bon figurá. Formfit proyecta pa Emilio Pucci, e maestro-proyector italiano.



E VIVA panty-girdle aqui ta elegante y e ta pas perfectamente. E linea natural di lomba ta accentua senjal di bo figura. Ideal pa targa bo elegancia fementí sali completamente den su integridad.



Brassiere correspondiente No. 73 — 3/4 cup. Esaki ta di un elegancia realmente risca, e ta duna bo figura sosten y ta accentua bo formant. Adecuado pa garganta y lomba 'bao. Pa muhe cu un „riha“ pa media.

**formfit COMPANY**  
Chicago - New York - Paris - Toronto - London.

**ARUBA TRADING COMPANY**

## CISCO KID

1. „Nos no kier ningun recompensa!“ „Hiba un recuerdo di mi!“ 2. „Mayke ta un paar di buki.“ „Esun graba aki mi ta gusta!“ 3. „Bai euné Pancho!“



## AVENTURA DI OLLE

„Esey ta un capitán raro!“ Olle ta pensa. „Pakiko el a nabega bai asina libe?“ „Esey no ta importa mi nada.“ Toch mi ta hanja e bala!“ „Y Olle ta bai cas pa busca su spear. Pero e hende grandinan si ta euforoso pa sabi kiko a pasa. Tin algun noticia di e bnen di bajana? Nan ta pinta e telegrafista. E captan a manda un telegram pa bisa cu den bisendario nan a mira un bajana bláu.“



## presenta pa cortesia di SELMA'S KAPSALON

REBAHA ESPECIAL PA TUR PEINADO DURANTE LUNA DI MEI. Awor solamente fl. 12.50 pa clientenan di luna!

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.

Boerhaavestr. 12 Oranjestad. Tel. 2750.



# "KIST"

ESNAN CU BEBE SOFTDRINKS DI "KIST"  
TA GOSA DOBBEL:

Pa di prome di e sabor puro y delicioso, pa di dos di e sorpresa bau dje tapanan, cu tin balornan di 5 ct te fl. 10.—.

Tambe por gana premionan bunita manera:

T-SHIRTS — BALL-POINTS — GLAS — LIGHTERS.

Pa kita bo sed no tin ariba "KIST"

Victoria Bottling Company, Ltd.

SAN NICOLAS - TEL. 5192



## MARLBORO A GANA ZENITH DEN INAUGURACION

(Di nos redactor Deportivo)

E partido inaugural di e campeonato AA 1962 hunga diarazon anochi na Lago Sport Park a resulta un derrota pa e campeonnan. Zenith a enfrenta Marlboro y a sufrí un derrota cu score di 6 carrera pa 12.

E cigarilleronan di Marlboro a conecta 8 hit y comete cuatro error, mientras cu Zenith a conecta 7 hit y pifia nada menos cu 10 bisha.

Pitcher ganador a resulta Lionel Wilson y perdedor J. Rombly.

Diadomingo awor e campeonato ta continua cu dos wega. Den esun di mainta Marlboro lo topa cu Esso Servicecenters, equipo cu anteriormente a hunga bao nomber di Don Bosco y cu a clasifica pa e campeonato AAA despues di gana e titulo den clase A.

Diadomingo merdia lo enfrenta otro Zenith y Heineken's. E campeonato ta wordo hunga riba diarazon anochi cuminzando semper pa 7.30, mientras cu pa e partidonan aki tin e regla cu e wega mester stop no mas tarda cu 10.30.

Partidoman di diadomingo mainta ta cuminsa pa 10'or y esunnan di merdia pa 2'or.

E campeonato clase A a cuminsa ayera nochi cu e partido entre North Stars y Winston. Ademas ta competi den e clase di Estrella. High Life, Heineken's, Erres y Esso Servicecenters.

E clase aki tin como dianan di wega: dialuna, diahuebs y diabierna semper anochi.

## TENNIS NA ARUBA JRS

(Di nos redactor Deportivo)

Tico Kuiperi y H. van Strien a obtene un triunfo riba E. de la Nooy y A. Dieffenthaler den tres set. E promer set di la Nooy y compañero a logra gana 6 pa 4, pero e siguiente dosnan a wordo gana door

di Tico Kuiperi y partner ambos cu score di 6 pa 3.

Ayera tardi e campeonato a continua cu e match entre Tico Kuiperi/H. van Strien y Michael Kuiperi/Boy Escalona.

Despues di perde e promer set 5 pa 7, e team Kuiperi/Escalona a gana dos set sigi cu ambos score di 6 pa 3, pa asina hiba e match.

## SUPERCLEANING A DEFAULT CONTRA NUTRICIA

(Di nos redactor Deportivo)

E onena di Supercleaning no a presenta diarazon anochi den Wilhelminastadion pa enfrenta e equipo di Nutricia. E equipo aki pues a obtene un victoria den e forma mas facil posibel.

## ARUBA JRS 43 — N.W.I. STARS 40

(Di nos redactor Deportivo)

Un emocionante partido di basketball clase A masculino a wordo hunga diarazon riba cancha di Estrella na Sta. Cruz. E quieteto di Aruba Jrs. a gana esun di N.W.I. Stars cu score di 43 pa 40.

E partido femenino entre Aruba Jrs. y Valiant no por a wordo hunga dehi na cu Valiant su equipo completo no a presenta. Aruba Jrs. a gana asina pa default.

## DEPORTE FOOTBALL NA MADRID

E derrota di Real Madrid den final pa e Copa Europeo contra Benfica a causa na e capital spanjo un decepcion grandi.

Despues die derrota, e partidarioman fanatico di Real Madrid a puntra nan mes, si esaki ta e signal di un ruina cu ta acerca.

E corant matutino madrilenjo "ABC" a scribi riba e prome pagina di e numero di ajera mainta cu letternan diki: "E hegemonia di Real Madrid den e futbol europeo a cabu".

## SITUACION NA CONGO

ELISABETHSTAD, 4 mei — E salida di president Chombe for di Katanga pa Leopoldstad, cu nan a stipula pa diahuebs, esta ajera, a wordo suspende pa algun dia. Te ainda Nacionnan Uni no a termina e preparativanan pa deliberacionnan di president Chombe cu e premier congolese Adefa.

## Agenda

ARUBAANSE COURANT

diarazon cu excepcion di 25

diadomingo

Subscripcion / 3.25 paga adelantado

Edicion sueto 20 ct.

Telefon: 2110 Redaccion y subscripcion

1110 Directiva y anuncio

Directeur-boordredacteur: D. Wolff

Imprenta na N.W. Drukkerij, 100 Steen

Edicion sueto obtenible na 20 cent na:

Printen Store, San Nicolas - Boshandel

Marika, Oranjestad - y Cabana Shop.

Edite pa:

N.W. ARUBAANSE DRUKKERIJ - EN

UITGEVERIJ - EN PUBLICITEITS B.I.

Masseustraat 85 - Oranjestad, Aruba N.A.

## CINE

Diadomingo 4 di mei  
DE VEER 8.30 "Fool Nicole" 18  
RIALTO 8.00 "G.I. Blues" 18  
PRINCIPAL 8.00 "Twist around the clock" 18  
SAVANITA 8.00 "Gunman from Laredo" 18  
SAVANITA 8.00 "Tarzan the magnificent" 18

## BOTICANAN DI WARD

Oranjestad: BOTICA DEL PUEBLO tel. 1253

San Nicolas: BOTICA CENTRAL tel. 5006

## PARTERA

Oranjestad, tel. 1355.

## WIT-GELE KRUIS

Oranjestad: Zr. Ewald

San Nicolas: Zr. Ludovic

Hospital San Pedro di Verona tel. 2200.

## POSTSLUITING

Vrijdag

Amstelveen 14.00, Antigua 14.00, Argentina 14.00

Bolivia 14.00, Benair 16.00, Bra 14.00

Br. Giliusa 14.00, Canada 8.00, Costa Rica 14.00

Chile 14.00, Colombia 14.00, Cuba 10.00

Curacao 8.00, Ecuador 14.00, El Salvador 14.00

EUROPA (Aziz-Afrika) 15.30, Fr. Guiana 14.00

Guadalupe 14.00, Guatemala 14.00, Haiti 15.30

Honduras 14.00, Br. Honduras 14.00, Jamaica 10.00

Martique 14.00, Mexico 10.00, Montserrat 14.00

Nicaragua 14.00, Nieuw Orleans, La 14.00, Nieuw

Panama 14.00, Peru 14.00, Puerto Rico 15.30

Rep. Dominicana 15.30, St. Kitts 14.00, St. Maarten 14.00

Suriname 14.00, Tini 14.00, Uruguay 14.00, VENEZUELA: Caracas 15.30

Maracaibo 15.30, Virginia Eliandien 14.00

Atencion: Cerramento di piezanan certifica ta un ora prome cu di post.

## RADIO KELKBOOM

Diadomingo 4 di mei 1962

8.00 Opening

8.02 Selección Musical cu disco Latino

8.30 Cumpleaños Feliz

9.00 Variación musical

09.15 Peticion Musical pa Telefon.

9.30 Musica Instrumental

10.00 Ritmo Latino

10.30 Noticia di N. Habibe Jr. Supremarket

11.00 Musica Norte Americana

11.15 Musica Antillana

11.30 Musica varia

12.00 Lunchmuziek

12.10 Fexas Furniture ta presenta

Noticias latinas y internacionales

12.30 Intermedio Musical

12.30 Aruba Boshandel bledt U

Nieuws in bet. Nederlanden

12.45 Intermedio Musical

12.55 Viana Auto Supply brings you

"News in a nutshell" (Eng.)

1.00 Musica varia

1.30 Mei ora cu Boleros

3.00 Variación Musical

3.30 Musica Instrumental

3.00 Cha cha cha

3.15 Merengues

3.30 San paar placa comprando na

La Esperanza Supermarket

4.00 Rancheras

4.30 Wincos ta presenta

"Noticia 23 Parlamento"

4.45 Cocktail Musica

5.00 Danzones cubanos

5.15 Musica varia

5.30 Musica popular

6.00 Noticia deportiva

06.15 Carlos Torres

6.30 Diner muziek

6.45 Voorlichtingsdienst

7.00 Aruba Trading Co. ta presenta

"Noticiero Schilt" (Pap.)

7.15 Musica varia

7.30 Musica Bandes

7.45 Mercurius Trading Co. bledt U

"Nieuws in bet. Nederlanden"

8.00 Norte americana

8.15 Colgate-Palmolive ta presenta su

novela "Estrellita"

8.30 Musica varia

08.45 Sonora Matancera

9.00 Hita Internacional (Concurso Musical)

09.30 Peticiones

09.40 Stuiting

7.30 Musica Hulandes

## RADIO VICTORIA

Diadomingo 4 di mei 1962

9.00 Apertura

9.05 Ultimas Noticias

9.15 E Humber Huber

9.30 E Mundo Femenino

9.45 Cantionan di Evangelio

10.00 Hymn of the Day

10.15 Radio Revival

10.45 Organ Melodies

11.00 Stories of Great Christians

11.15 Novela

11.30 Melodias di Morda

12.00 Ultimas Noticias

12.15 Musica Sagrada

12.30 World News

12.45 Quiet Time

1.00 Radio Concert Hall

2.00 Heading Room

2.15 Songs of Zion

2.30 Quiet Hour

2.45 Enchanted Musicales

3.15 Culo cost Musica

3.30 Luz y Verdad

4.00 Musica di Banda

4.45 Noticias Espanol

5.00 Jovana del Hogar

5.15 Palabranan di Bida

6.00 Ultimas Noticias

6.30 Intermedio Musicales

6.45 Nederlanda Nieuws

7.00 Voor Zin Giorle

7.15 On Wings of Song

7.30 Unshackled

8.00 World News

8.15 Off the Record

8.30 Back to the Bible

9.00 Musical Gems

9.30 Haven of Rest

10.00 World News

10.15 Musica Muziek

11.00 Sign Off

## RADIO CARACAS

Television

Vierne 4 de mayo 1962

8.55 Himno Nacional, presentacion

8.57 Informacion sobre los programas del dia

9.00 Carusel Musical

9.30 En el Jardin de infancia

10.00 Senderos de luz

10.15 Cosas de España

11.15 Cinco destinos

11.30 La perfecta ama de casa

12.00 La V.V.R. informa a la Nación

12.05 Su tele novela "Asi es la gloria"

12.25 El show de Saume

1.40 Se necesita una amiga

2.00 Punto y aparte

2.30 Club femenino

3.00 El estudio de Hector Montoverde

3.30 Verbena infantil

4.00 Aventuras de Popeyo y Yeyo

5.00 Una pareja en apuros

5.15 La novela romantica (A cara y cruz)

5.30 Fuego, fe, juventud

6.00 El show de Benny

## GRANDIOSO CONCURSO MENSUAL CU PREMIOS

VALIOSOS DI

## DEL MONTE

Cu solamente 10 etiketa di e famoso productonan DEL MONTE bo ta ricibi un tickete pa participa den e concurso aki. Si bo entrega 15 etiketa bo ta ricibi un tickete y ademas un precioso glas di propaganda cu e emblema DEL MONTE.

Riba e tickete bo mester contesta siguiente preguntanan:

- 1 — Cuanto color tin 'riba e emblema di Del Monte?
- 2 — Kende ta representante di e productonan di calidad marca Del Monte na Aruba?
- 3 — Menciona number dje fabrica door di cual e productonan di calidad marca Del Monte ta wordo traha.

Dia 2 di juni proximo, e sorteo pa e concurso di mei lo tuma lugar.

Premionan pa e bisha aki ta:

PROME PREMIO — Blender G.E.  
DI DOS PREMIO — Massager Oster  
DI TRES PREMIO — Heru di Strika  
DI 4 te 10 PREMIO — 48 bleki di PINÉ  
APPLE JUICE DEL MONTE pa cada ganador

Ademas tin un premio extra di 48 bleki di PINÉ APPLE JUICE DEL MONTE, pa e persona cu cambia mas etiketa durante april.

Saboria productonan di calidad DEL MONTE — y gana premionan valiosos.

Wmco

ORANJESTAD

## E NO TABATA CONFA NINGUN HOMBER MAS pa Tuyuchi

No. 25

"Wel ta bon anto. Bo ta haci mi curioso."

"No asina pura, Dieter. Primeramente ta bini e trabao i despues e gozo. Pero prome cu tur cos nos ta bai dal un biter pa cuminsa."

Brosede a bisha e binja i a entrega Dieter un glas.

"Riba bo salud, torro bien."

"Proost", Dieter a responde.

Brosede den un solo tiro a liquida enter su glas. De lo contrario Dieter a dal un boka sol. El a saca su estuche di sigaria i a presenta su amigu esei.

"Bo quier huma?"

Brosede a queda ta mira den e estuche i a sagudi cubez.

"Gracias. Mi ta huma mi mes marca di sigaria."

El a duna Dieter candela i e mes a cende un sigaria di dje. Dieter a liquida su glas awor i a pone esei riba mesa.

Pues, lo mi no larga bo mas tanto riba pijnbank", Brosede a bisha. El a cohe e botter i a jena e glasan di nobo.

"Pues, mi amigu, placa mi no tin."

El a queda ta mira su amigu duri den esaki su cara i a ripara cu esaki a bira blek manera morto. E sonrisa cu tabata hunga rond di su lipnan a desaparece, su wowonan a bira daf i tur bida a desaparece for riba su cara.

"Mi Dios", Dieter a grita. "Pero den bo telegram bo tabata papia mi di bon noticia."

"Bo tin di larga mi caba di papia", Brosede a interrumpe. Si acaso m'a papia di bon noticia, anto si

mi bisha bo awor cu mi no tin placa, anto esei ta nifica cu mi tin e posibilidad di pone bo gana e placa ei."

"Quico bo quier meen cu esei?"

"Mi tin un pedida pa bo. E industria di automobil hopi tin mester pa su exportacion, vapornan di carga especial cu ta capaz di carga hopi. Nos no ta larga traha e vapornan aki nos mes, pero nos tambe ta confi-nacionnan dje empresa aki. I door di esei nos tambe tin algun di dicidi over dje pedida. I ta Tarwitz-werf lo hana e importacion aki."

"Qui dia e pedida ei ta bai pasa?"

Dieter a bula lanta para net. Sorpreso exita a refloja den su cara. Un color corra a corre repentinamente cu e blek di bo cara.

Brosede a hiza su skoudernan.

"Lastimamente cu mi no por bisha esei awor ainda. Ma haci tur esfuerzo den e weekend pa mi soluciona e pregunta ei caba, pero den esei mi no a logra."

Dieter a bai cai sinta poco poco 'trobe. E tabata sinti su mes manera un viajero errante den desierto cu tabata muriendo di sed, ma cu ta descubri un oase, cu despues a bin resulta un fata morgana.

Denter di tres seman lo nos tin di paga wissel pa un suma di 3 millon di mark. Si nos no por haci esei, anto nos ta perdi."

Brosede a bula lanta ta bati su amigu riba esaki su lumbra.


"Den tres seman tin mas awa ainda ta bai lamar. Hopi cos mas por cambia durante e periodo aki."

"Mi ta spera esei", Dieter a responde.

"Quizas cu denter di algun seman nos planan ta hopi leu caba pa nos por cerra e contractnan cu Tarwitz-werf. I cu e contractnan aki boso lo hanja hopi credito."

"Esei ta sigur. Pero ta sigur tambe cu durante e tempo ei nos tin e contractnan tambe ei realidad?"





Esaki ta e autonan moderno hapones cu actualmente ta cohiendo terreno. E ta chiquito, facil pa maneha y e tin masha careda den dje. „De Suzulite Fronte 360". E auto aki tin un motor dilanti. E tanki por carga 18 liter di gasolin. Tocante prijs y capacidad no a bini mas noticia.

## Estados Unidos y pruebana nuclear

WASHINGTON, 4 mei. — E científico Mericano dr. James van Allen, cu a descubri dos dje zonanan di radiacion rond di mundo cu nan a duna su nomber a bisa ayera na e congreso internacional di espacio na Washington cu un explosion fuerte nuclear riba 500 kilometer di distancia for di mundo no solamente lo laga tur e padenan di e zonanan bula for di otro, pero lo echer influencia riba e campo magnetico di mundo.

Dr. Van Allen a bisa cu e no ta dispone di mas datonan tocante prueba nuclear cu e Mericanoonan ta tuma na distancianan altu riba e isla Johnston, pero e ta spera cu e zonanan dje zona mas paden lo eai den atmosfera. Un flocido dje pidanan aki riba mundo no ta peligroso pa humanidad. Tambe el a bisa cu e storing den e zona lo dura poco tempo. Den algun siman e dano lo ta establece atrobe. Otro científico Mericano ta pensa otro tocante esaki y ta kere cu un explosion di varios megaton na e altura aki lo destrui e zona na tal manera cu podise lo dura mas di cien aña peme cu e zona lo haria su estado normal.

### VIGILANCIA MERICANO RIBA ABASTO DI MATERIALNAN STRATEGICO

WASHINGTON, 4 mei. — E sub minister Mericano di comercio, pa asuntunan internacional, J. Behrman, a pidi ayera e congreso di autorizacion permanente pa prohibi e embarcacion di materialnan strategico Mericano pa Union Sovietica y paisnan dje bloke Sovietico na oost Europa y e republica popular di China. E minister a declara na e comision di senado pa asuntunan cu tin relacion cu bira asuntu peligroso, cu sin duda ta necesario pa pone vigilancia riba export Mericano. E minister tabata e prome testigo dje gobierno di Kennedy cerca e comision Hearings tocante un proyect de ley pa prolongacion permanente di ley Mericano pa vigilancia riba e export.

Sin prolongacion e ley lo a termina dia 30 di juni proximo, pero tambe e congreso anterior a permiti prolongacionnan.

### EL DIARIO DE UNA VIDA

1. „Y bo ta bisa cu Dun-dee Greer tin algo cu ta prueba cu bo antepasado a mata su antepasado?" „Si, ta un perkament bieuw cu ta parce berdad". 2. „Hum, ta raro!" 3. „Pakiko raro?" „Oh... pa nada, Julieta. Mi tin algun idea den mi mente... Pero mi no por relacionanani bo".



### PEPITA

### Antillian Hardware Co

Bo mejor adres pa HERMENT, Y TURMATERIAL DI CONSTRUCCION!

1. „Margo ta papia... Bisa Pepita cu e comento ta riba diahuebs y no diabierna." 2. „Y bisele cu Elena y Felisa lo huskele y pidi Creta e regalo na Cecilia." 3. „Y bisele pa e no bisti blauw pasobra Sara lo bai cu corra y nan lo no combina." 4. „Meior mi scribi solamente „Margo ta yama na telefon".



### E PROHIBICION DI PRUEBANAN NUCLEAR

GINEBRA, 4 mei. — Union Sovietica ayera a admitti pa continua cu e deliberacion di e subcomision nombra door di e conferencia di desarme na Geneva, y di cual Union Sovietica huntu cu Inglaterra y Merica ta forma parti.

Ayera e delegadonan di e tres paisnan a holbe reuni sin cu nan a logra ningun adelanto den e negociacionnan.

### AINDA NO TIN PRESIDENT NOBO NA ITALIA

ROMA, 4 mei. — Ayera tampoco parlamento Italiano a logra eligi un president nobo pa e pais. Awe nan lo vota pa di cineu biah.

### HUELGA NOBO NA SPANJA

MADRID, 4 mei. — E huelga cu a cuminsa diez dia pasa na e lugarnan di carbon di Austria na norte di Spanja, a expanse su mes ayera te un dje astilleronan di mas importante di Spanja. E 5.800 trahadornan y empleadonan dje „estructura naval na Bilbao, a pone nan trabou para cu e fin pa pone mas fuerza na nan exigencianan pa e establecimiento di un acuerdo colectivo nobo di obran prome cu diez dia y un sueldo minimo di 170 peseta (mas o menos 14 florin pa dia).

Di banda bon informa na Madrid nan a tende cu na Madrid nan a cerra un fabrica di material di e „campania auxiliar de ferrocarriles" na Beasain den e provincia Guipuzcoa ayera, riba orden di autoridadnan pa motibo di huelga di solidaridat y trahadornan dje fabrica aki cu e mineronan cu ta huelga na Asturias. Diasabra e trahadornan a cuminsa huelga.

Nan a arresta un cantidad grandi di trahadornan den e ultimo dianan, pero ayera nan a bolbe laga nan den libertad.



Esaki ta dos portret di asaltador „I 4", cu ta un auto experimental cu ta traha cu turbina di gas, cual bo por hanja mira den exhibicion di auto na New York. Esun di mas abao ta demonstra e curazon poderoso dje auto cu tin un speed di 1800 kilometer pa ora. E ta gasta masha poco gasolin. De la manera anto cu e ta un cos atractivo pa chauffeurnan.

### PROCESO DI EICHMANN

JERUZALEM, 4 mei. — Predicante William Hull, di e iglesista evangelista na Canada, cu ta biba na Jeruzalem, a bisa na Jeruzalem cu Adolf Eichmann ta pensando sero si e por a haci malu door di e doctrina di nazianan y participa na e matanzanan di judiuan Europeo durante di guerra.

Predkari Hull a bishita Eichmann deserte biah for di despues cu esaki a apela contra su sentencia.

### ARRESTACION ORDENA NA CARACAS

CARACAS, 4 mei. — Autoridadnan federal a ordena arrestacion di Diego Heredia, director di e corant „La Tarde", organo semi-oficial di Union Democratica Republicano. Nan a ordena e arrestacion despues di publicacion di un articulo tocante incidentenan riba dia prome di mei na Caracas.

### DECLARACION DI TITOV

Tambe Titov a bisa, cu e ta hanja un injusticia historico, cu no ta un mulher a haci e prome orbita rond di mundo. Segun e hende mulher por mas mihor contra dificultadnan y nan por orienta nan mes mas mihor den espacio. Pero el a bisa cu e ta kere cu nan lo duna hende mulher e derecho tambe pa haci algun dia viahenan den espacio.

### POLITIEK DI IMPORTACION PA PETROLEO NA MERCA

WASHINGTON, 4 mei. — E minister Mericano di asuntunan interior a aumenta e cantidad di petroleo crudo cual tin mag di worde importa via e costa occidental, pa evita e posibilidad pa un escasez di petroleo crudo.

Nan a aumenta e cantidad di importacion admitti pa e prome seis lunanan di e aña aki cu 11.892 barril pa dia te na 229.484 barril.



DIA DI BANDERITA NA URK — Bao di demonstracion festival e flota di piscadornan di Urk a bandona e puerto pa cuminsa e temporada di piscamentu. Cu orgullo riba nan cara e piscadornan a sali.

### NEGACION DI INGLATERRA

LONDEN, 4 mei. — Gobierno di Inglatera no tin intencion pa propone Francia, pa parti e potencial nuclear Ingles cu e pais ey cu e fin pa facilita afiliacion di Inglatera na e mercado comun di Europa. Asina nan a declara ayera di banda autorisa na Londen.

### ENCUENTRO NA OOST PAKISTAN

NEW YORK, 4 mei. — E delegacion di India cerea Nacionnan Uni, a duna ayera un declaracion den cual e ta bisa, cu na incidentenan na oost Pakistan entre Hindun y Mahometanan siete persona a muri y mas di 13 ta herida. Segun e declaracion e incidente a cuminsa mas di un siman pasa, ora cu e Mahometanan a horta den mas di diez cas di Hindun y a peganan na candela. Despues, segun e declaracion, tabatin bringamentu cu hincamentu na Dacca. E delegacion di India a declara, cu e incidentenan a cuminsa despues di conferencia insultante na Pakistan di algun incidentenan no importante na West Bengalen (India) y discursonan instigador di funcionarionan di Oost Pakistan.

### EHERCITO SECRETO NA PARIS

PARIS, 4 mei. — Polis di Paris a anuncia, cu den e prome 4 lunanan di e aña aki nan a acusa den e territorio di Paris 225 persona di conspiracion contra gobierno di estado y 350 a wordu detene en relacion cu actividadnan di ehercito secreto.

Polis a haci mas di 1590 investigacion den e aña aki y a interroga mas di 903 persona. Mas di 15 complot di ehercito secreto di cual nan a none hopi dje atentadonan di kneedhom na Paris na nomber di ehercito secreto, a wordu haci inofensivo.

### INDIA Y CHINA

NUEVA DELHI, 4 mei. — China y India a manda 4 dia pasa nota pa otro tocante e kestion di frontera, den cual nan ta acusa otro di agresion.

India a bisa riba un oferta China na deliberacion cu e ta dispuesto pa haci esaki, pero no mientras tantu China ta ocupa territorio di India. Premier Nehru a bisa den parlamento cu e ta oia guerra. India mester a tene sinemharo cuenta cu e posibilidad aki y di fortifican su mes. China ta acusa India di a viola frontera na Sinkiang, hopi biah, di establecimiento di dos puesto militar riba territorio Chino y di acua provocante. China ta exige cu nan mester kibra e fortificacionnan y retira e trupanan.

### E PROCESO CONTRA SALAN

PARIS, 4 mei. — E proceso contra ex general Raoul Salan, e lider di ehercito secreto, lo cuminsa dia 15 di mei proximo na Paris. E ex general lo wordu sentencia na un corte supremo militar di justicia.



TRABAONAN DI DELTA — E prome stel di porta pa e sluis di nabegacion cu nan ta trahando den Deltadon na Grevelingen a ser colga na nan luga cu ayudo di boknan flotante. E sluis ta den Dam na Brinisse. Cada porta tin un peso di 42 ton.

### ARIES

21 Maart — 20 April



Fra na mustra interes pa otro hende i nan asuntunan, muy en particular bo partuer matrimonial.

### TAUROS

21 April — 20 Mei



E mainta di awe por ta druk cu cierto obligacionnan. Tira un bista riba bo gastunan.

### GEMINI

21 Mei — 20 Juni



Un cambio den imagen planetaria ta duna bo mas libertad di accion. Busca contacto cu aniginan.

### CANCER

21 Juni — 22 Juli



Pone awe principalmente mas di fami bo asuntunan familiar, di bo yiu bo esposu i esnan cu ta mas yega li bo.

### LEO

23 Juli — 22 Augustus



Ta parce manera dia di awe lo sira masha druk pa bo. Un dia activo. Percura prolecha.

### VIRGO


23 Augustus — 22 September



Ta parce cu ta bini un mehoracion den bo asuntunan financiera personalmente. Evita aventuranan amoroso.

### LIBRA

23 September — 22 October



**HOROSCOOP DI AWE**  
Pa cortesio di BOTICA ARUBA  
„Bo botica di confianza"  
tel. 1080-1081

### SCORPIO

23 October — 22 November



Esaki ta un dje dianan cu bo mester tuma un curashi i tira tur dificultad tras di lomba pa bo vence.

### SAGITARIUS

23 November — 21 December



A yega tempo awor pa bo hala bo mes un poco atras for di actividadnan del momento.

### CAPRICORNUS

22 December — 19 Januari



E dia di awe ta particularmente adecuado pa bida di combito, contacto cu clubnan i gruponan.

### ACUARIUS


20 Januari — 18 Februari



Posicion di luna por ocasiona desarrollonan inespera cu ta na bo fabor, principalmente den negoci.

### PISCES


19 Februari — 20 Maart



Bo plannan i aspiacionnan pa porvenir ta para bati bon influencia. Pone tino riba loque otro nan ta bisa.

### ARIES

21 Maart — 20 April



E dia di awe ta particularmente adecuado pa tur asuntunan financieras. No luga enamoradonan pa nan cuenta.